

*Bischof Tilo von Merseburg bestätigt die Wahl der Katharina Wulkewitz zur Aebtissin nach dem Ableben der bisherigen Aebtissin Elisabeth Walchs.*

1476 Sept. 16.

Hdschr.: Or. Perg. Hauptstaatsarchiv Dresden No. 8276, durch Moder etwas beschädigt. — Das S. des Bischofs an Pergamentstr.

Wir Tile von gots gnaden bischoff zcu Merßburg bekennen und thun kunt in dissem unnserrn offen brive vor ydermenniglich. Szo | denne und als durch schigung des almechtigen gotes die geistliche frauwe Elyzabeth Walchß etwan eptisschynne des jungfrauenclosters sancti | Georgii vor Lipczk unnsers bischthums todißhalben von 10 disser werlt vorscheiden und vorstorben ist und ernachmals die ganteze sammelung und capittel des gemelten jungfrauenclosters nach aldem herkommen und gewonheit am dritten tage, als sich danne das geboret hat, durch mesßen und ampt von der heyligen dryfaldigkeit, auch mit lobesengen von dem heyligen geiste den almechtigen got erinnert, ynniglich gebeten und angeruffen, das er yn durch seyne mildigliche inbildung yre 15 synnen erleuchte eyne ander eptisschynne zcu erwelen, dodurch yren commun und samp- lungen in geistlicher und zciticlicher regirung fruchtbarlich, vorgestanden werden moge, sich ernachmals durch yre cappittelsglocke zcu sollicher kore gefordert und durch yre priorynne und oberste eyner itzlichen kore und stymme ampts halben in sunderheit vlißig gehoret, gemerckt und vorstanden, und also yn sullicher kore die andechtige 20 jungfrauwe Katherinan \*Wulkewitz<sup>a)</sup> als von dem meysten teyle und stymmen eyn- trechtiglichen zcu eyner eptisschynne erwelet und gekoren haben, als danne sullich yre kore und erwelung, uns durch gloubwirdig brive und schriftte vorgebracht, forderlicher und clerlichen ußdrugkt und begreiffet, und mit vließe demutiglichen bitten lasßen, sulliche yre erwelunge und election von der obgemelten Katherinan Wullekewitz 25 beschen durch unnserrn bischofflich ampt und oberkeit gnediglich zcu bestetigen und con- firmiren geruchten, als haben wir angesehen sulliche yre vliesßige und demutige bethe, auch billichkeit und reddelickeit die disße ding an sich selbst uff sich tragen, und haben zcu sullicher election und erwelung unnserrn willen gunst und volbort gegebin und die selbte Katherina Wulkewitz also bestetiget und confirmiret, bestetigen und confirmiren 30 auch die yn und mit crafft disßes selbten unnserrn brives durch underkommende unnserrn bischofflichen ampts und oberkeit sunderlich decret und erkentheniß zcu eyner eptis- schynne des obgemelten closters, das selbige beyde yn der geystlichkeit und wertlicheit nach aldem reddelicchem herkommen noitdorfftig zcu regiren und vorzustehen, als danne zeur zczeit am beqwemsten und besten seyn wirdet. Gebieten dorumbe uch Euan von 35 der Heyde priorynne, Agneßen Thumirnicht underpriorynne, Barbaran Krostewitz kellerynne, Katherinan Kratzsch, Elyzabet Metesyders die eldesten und sußt allen andern des selbten closters und capittels jungfrauwen ader professen, auch andern disßes closters zcugethanen und vorwanten by der pflicht des bannes und gehorßam, das ir alle und eyne itzliche under uch yn sunderheit die obgemelte frauwe Katherina eptisschynne

40 63. a) Wullewitz.